

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaateqarpunga:

- 1. Nunatsinni inuusuttut atuagarsornikkut piginnaanikitsut, taamaattorli timertik atorlugu sulinermik aallaaveqartumik piginnaanngorsarsinnaasut qanoq aqutissiuunneqarniarpat?**
- 2. Iliuseqarnissamik pilersaaruteqartoqarsimassappat, iliuusissat qanoq ittut pilersaarutaappat?**
- 3. Pilersaaruteqartoqanngippat inuusuttorpasuit inuiaqatigiinnut tunniussassa qaraluaqalutik unittuuginnartartut qanoq pineqassappat?**

(Inatsisartuni ilaasortaq Vivian Motzfeldt - Siumut)

**Tunngavilersuut:**

Killiffipput imaannaanngilaq, naak ilinniarnertuunngorniarmimmi naammassisartut amerliartoraluurtut tamannalu nuannaarutissaagaluartoq nalunngilarput atuagarsornikkut piginnaasakitsut ullumi nunatsinni periarfissaat pitsaanngitsorujussuummata.

Inuusuttorpasuit timikkut sulisinnaassutsikkullu pikkorissut inuttut ingerlariaqqiffissaarullutik unittuuginnartartut amerlapput, inuttullu naleqanngitsutut allanillu piginnaasakinnerusutut imminut ajoraluartumik nalilerlutik unittuinnartartut nukippassuarnik annaasaqaatigisarpavut.

Inuup kialuunniit peqqissup pisinnaatitaaffigisussaavaa inuttut imminut napatissinnaalernissaminut aqutissaqarnissani aqutissiuunneqarnissanilu. Ajoraluartumik nunatsinni inuit peqqissut atuagarsornikkut piginnaasakinnertik aallaavigalugu ingerlariaqqiffissaarullutik uninngaannalersut amerlapput tamannalu inuiaqatigiit nappassinnaanngilaat.

Taamaammat pilersaarutiniq ersarissunik ujartuillunga matumuuna apeqquteqaateqarpunga.

Apeqquteqaatima ullut suliffiusut qulit iluanni akineqarnissaat kissaatigaara.

